

法一堂妻子不咨嗟

別萬三

羣雄擾擾盡征戡我與先生把道談今日東南王氣盛他年晤
子到西南

西湖二首

湖上紅亭亭上人亭前水寫眼前身青蓑綠笠何為者我是煙
波畫裏真

人歌人笑滿朱舫楊柳長亭復短亭卻愛漁翁閒雅甚自搖小
艇到西冷

贈金粟道人

道藏輯要

三丰全集 古今詩類

三

續畢集九

玉山佳處好園亭多少游人入畫屏幕地將來都撒去清心澹

慮水泠泠

還蜀吟

六合是我家一曜為我燭我雖遼東人游蜀似還蜀淡淡巫山
雲彎彎我眉月鮮鮮錦江波熙熙巴子國到處闡立風顛狂自
怡悅鸞馭止何方又到青城宿

歸秦

自蜀來秦不避秦西秦久住似秦人寶鷄石上題詩句誰識道
造物外身

大元至正二十六年丙午暮秋金臺觀游塊七日歸來付

楊軌山一偈詩喻元終明始意蓋二十八年即洪武元年也

元氣茫茫返大清又隨朱雀下瑤京剝牀七日魄來復天下齊
看日月明

入蜀

劍門雄壯蜀山高飛去飛來鶴亦勞萬點蒼尖分厯落千重碧
嶂幾週遭時時牧笛吹秋草處處樵風吼暮濤最愛峨眉峯頂
月清暉白上道人袍

漁父詞

湘雨湖雲滿釣蓑逃名隱姓樂如何新日月指舊山河成敗
興亡莫管他洞庭睡到長天曉誰識高人張志和

道藏輯要

三丰全集 古今詩類

三

續畢集九

贈焦始謨先生

子陵高屈漢光武一個客星照萬古如今我見焦先生高節清
操誰為伍少與皇明乃舊交風聲酒酒吹許策故人崛起做天
子幾回丹詔來山坳一豚蹄與一壺酒逕來見帝酬吾友大呼
光祿治山看對飲哈哈大笑拍手席前三帶角銀金命公取之觀
其心強持角帶作遊戲幽情默默在雲林朝廷從此稱千戶先
生冷笑何足數飄然拋去入名山子房永別漢高祖

起結相映
妙合自然

余閱山水多年所嘗留意者蜀之大峩楚之武當因各構

一廬為往來棲真之所出則青鸞萬里入則白雲一窩

佳夕澄清在武當棲雲廬望大峩留月廬作此